

KENYATAAN AKHBAR

untuk siaran segera

BANK MUAMALAT SAHUT SERUAN KERAJAAN, ANJUR PROGRAM LITERASI KEWANGAN BAGI SEKTOR PENDIDIKAN

KUALA LUMPUR, 10 OGOS 2024 – Menyahut seruan kerajaan dan Bank Negara Malaysia bagi meningkatkan literasi kewangan dalam kalangan belia, Bank Muamalat Malaysia Berhad (Bank Muamalat) dengan kerjasama Emerging Journey Asia Sendirian Berhad (EJAsia) hari ini menganjurkan program kesejahteraan kewangan dan kesihatan mental di Sekolah Menengah Kebangsaan Saujana Impian, Kajang.

Program yang bertemakan ‘Memperkasakan Kesejahteraan Kewangan Masa Hadapan’ ini turut melibatkan lebih daripada 350 pelajar, ibu bapa dan guru. Ia merupakan salah satu langkah proaktif Bank Muamalat dalam meningkatkan tahap literasi kewangan di peringkat sekolah.

Menerusi program ini, pelajar, ibu bapa dan guru bukan sahaja didedahkan dengan ilmu pengurusan kewangan, malah mereka turut diberikan kesedaran mengenai isu kesihatan mental yang berkait rapat dengan kesejahteraan kewangan.

Presiden dan Ketua Pegawai Eksekutif Bank Muamalat, Khairul Kamarudin berkata, Bank Muamalat menyokong usaha kerajaan untuk meningkatkan tahap celik kewangan dalam kalangan belia bagi menjamin kelestarian sumber kewangan individu, kesejahteraan masyarakat dan pengukuhan ekonomi negara.

“Dalam keadaan ekonomi yang mencabar, isu kewangan adalah antara masalah utama yang membelenggu masyarakat terutamanya golongan belia yang terjebak dengan hutang-hutang yang tidak mampu dibayar. Sejak 2019 hingga Disember 2023, mengikut data Jabatan Insolvensi Malaysia seramai 6,996 belia berusia 35 tahun ke bawah telah didaftarkan bankrap dan hal ini berlaku akibat kekurangan ilmu pengurusan kewangan di peringkat awal.

“Selari dengan usaha bersepadu kerajaan dan Bank Negara Malaysia untuk meningkatkan tahap literasi kewangan melalui pendidikan, Bank Muamalat mengambil pendekatan ini bagi membantu mereka secara holistik, terutamanya menerusi kemahiran, latihan dan pendidikan kesihatan mental.”

Sejak 25 tahun lalu, Bank Muamalat komited untuk mencipta kehidupan lebih baik, bersama dengan menyokong isi rumah untuk menghadapi cabaran kewangan serta menjamin kesejahteraan kehidupan mereka dengan menawarkan penyelesaian pembiayaan mengikut keperluan dan kesesuaian para pelanggan.

Dalam pada itu, Profesor Adjung Dr. Sangeeta Kaur, Ketua Pegawai Eksekutif EJAsia berkata, inisiatif ini amat penting untuk memahami punca dan faktor masalah kewangan yang bermula sejak dari usia muda. Melalui penyelidikan kami, mereka yang berhutang tiga kali lebih cenderung untuk membunuh diri. Oleh itu, golongan ini harus lebih arif dalam pengurusan kewangan supaya tidak terjerat dalam kancah hutang.

Untuk maklumat lanjut berkenaan usaha meningkatkan kadar literasi kewangan Bank Muamalat, sila layari www.muamalat.com.my atau hubungi Pusat Khidmat Pelanggan Bank Muamalat di talian 03-2600 5500, atau kunjungi cawangan Bank Muamalat yang berhampiran.

TAMAT

Sebarang pertanyaan media berkaitan **Bank Muamalat**, sila hubungi:

Syahida Azureen | syahida.azureen@muamalat.com.my | +6012 242 3696

Mohd Nazrul Hafizi | mohd.nazrul.hafizi@muamalat.com.my | +6017 921 1384

Mengenai Bank Muamalat Malaysia Berhad (Bank Muamalat)

Bank Muamalat adalah perbankan Islam terkemuka yang komited untuk menyediakan "Kehidupan Lebih Baik, Bersama" dengan penyelesaian kewangan yang inovatif sejajar dengan prinsip Syariah. Dengan dedikasi untuk mencipta perubahan positif dalam industri kewangan dan fokus yang kukuh kepada kepuasan pelanggan, Bank Muamalat menawarkan pelbagai produk dan perkhidmatan yang disesuaikan untuk individu, perniagaan dan institusi.